

Broj: 101- 15100/25 DŽS
Zenica, 30.12.2025. godine

Na osnovu člana 64. i člana 70. stav 1., 4. i 5. Zakona o javnim nabavkama („Službeni glasnik BiH“, broj 39/14, 59/22, 50/24) i Zapisnika Komisije za nabavke broj: 501-15098/25 DŽS od 30.12.2025. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o izboru najpovoljnijeg ponuđača u pregovaračkom postupku javne nabavke bez objave obavještenja o nabavci

I

Usvaja se Zapisnik o ocjeni konačnih ponuda sa preporukom za dodjelu ugovora broj: 501-15098/25 DŽS od 30.12.2025. godine u postupku dodjele ugovora za nabavku usluga održavanja i popravke programske podrške i prihvata se preporuka Komisije za nabavke da se ugovor zaključi sa ponuđačem:

VMS GROUP d.o.o. d.o.o. Sarajevo

prema ponudi protokolisanom pod brojem: 501-15041/25 od 26.12.2025. godine za ponuđenu cijenu od 11.520,00 KM bez uračunatog PDV-a.

II

Prijedlog ugovora dostavit će se na potpis izabranom ponuđaču u skladu sa članom 98. Zakona o javnim nabavkama BiH.

III

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71, stav 2. Zakona o javnim nabavkama („Sl. glasnik BiH“ broj: 39/14, 59/22, 50/24).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Ugovorni organ je donio Odluku o pokretanju postupka javne nabavke za nabavku usluga, broj: 101-13547/25 BS od 27.11.2025. godine u kojoj je u članu 2. navedeno da će se u postupku nabavke koristiti pregovarački postupak bez objave obavještenja za dostavu ponuda sa zaključivanjem ugovora u trajanju od 36 mjeseci sa jednim ponuđačem za nabavku usluga održavanja i popravke programske podrške. Procijenjena vrijednost predmeta nabavke iznosi 12.000,00 KM.

Ponuđač VMS GROUP d.o.o. Sarajevo je razvio aplikaciju i posjeduje izvorni kod aplikacije i shodno tome drugi ponuđači nemaju pristupa istom. Na taj način su ispunjeni uslovi za primjenu odredbe člana 21. stav (1) tačka c) ZJN BiH („Službeni glasnik BiH“, broj 39/14, 59/22, 50/24).

Ugovorni organ je dana 08.12.2025. godine donio Odluku o rezultatima pretkvalifikacije u predmetnom postupku, broj: 101-14053/25 DŽS prema kojoj je ponuđač VMS GROUP d.o.o. Sarajevo kvalifikovan za izvršenje održavanja i popravke programske podrške, te je ponuđač slijedom navedenog dostavio početnu ponudu.

Dana 18.12.2025. godine je izvršeno otvaranje početne ponude zaprimljene pod brojem: 501-14650/25 koju je Komisija ocijenila formalno-pravno ispravnom te je ponuđaču dana 19.12.2025. godine putem e-maila i putem pošte dostavljen Poziv na pregovore.

Pregovori su održani dana 24.12.2025. godine, sa početkom u 10:00 sati.

Predstavnik ponuđača VMS GROUP d.o.o. Sarajevo, direktor Muhamed Ajanović je izjavio da ponuđač ostaje pri cijeni ponude koja je navedena u prethodno dostavljenoj početnoj ponudi iz razloga što ponuđač nema mogućnosti da ponudi dodatno sniženje cijene ponude.

Komisija je konstatovala da je ponuđač VMS GROUP d.o.o. Sarajevo jedini kvalifikovani ponuđač te da je ponuđač ostao pri ukupnoj cijeni ponude, kako je navedeno u prethodno dostavljenoj početnoj ponudi, a koja je evidentirana u zapisniku o otvaranju početne ponude i iznosi 11.520 KM bez PDV-a te je ponuđač dostavio konačnu ponudu.

Dana 29.12.2025. godine u 11:45 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama („Sl. glasnik BiH“, broj: 39/14, 59/22, 50/24), sačinivši o tome Zapisnik o otvaranju konačne ponuda.

Komisija je nakon toga izvršila evaluaciju pristiglih ponuda u skladu sa traženim uslovima u tenderskoj dokumentaciji. Komisija je izvršila i provjeru računске ispravnosti ponuda.

Nakon ocjene ponuda Komisija je sačinila Zapisnik o ocjeni konačnih ponuda broj: 501-15098/25 DŽS od 30.12.2025. i provjerom sadržaja i validnosti dokumentacije, utvrdila sljedeće:

Ponuđač VMS GROUP d.o.o. Sarajevo je dostavio konačnu ponudu koja je formalno-pravno prihvatljiva i ispunjava uslove tražene u tenderskoj dokumentaciji III faza, broj: 403-13547-4/25 AB od 24.12.2025. godine.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je, ocijenila kako slijedi:

1. VMS GROUP d.o.o. Sarajevo, sa ukupnom cijenom ponude u iznosu od 11.520 KM KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je ponuđač VMS GROUP d.o.o. Sarajevo dostavio prihvatljivu ponudu za nabavku usluga održavanja i popravke programske podrške, te je Komisija predložila da se sa navedenim ponuđačem zaključi ugovor.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22, 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

DOSTAVLJENO:

- 1 x Ponuđač
- 1 x Direktor preduzeća
- 1 x Pom.dir.za tehn.posl.
- 1 x Pom.dir.za razvoj i invest.
- 3 x Članovima Komisije
- 1 x Službenik za javne nabavke
- 1 x Sekretar Komisije
- 1 x a/a



Direktor:
Pašalić Emir, dipl.ing. građ.